



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vibor Handžić, zastupnik u Skupštini Kantona Sarajevo
Sarajevo, 27.07.2022.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:

Ministarstvo saobraćaja Kantona Sarajevo
N/r ministar Adnan Šteta

PREDMET: ZASTUPNIČKA INICIJATIVA

Poštovani,

Na osnovu članova 211. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), Ministarstvu saobraćaja podnosim sljedeću zastupničku inicijativu:

- **Podnosim inicijativu za izmjenu Zakona o uređenju saobraćaja na području Kantona Sarajevo.**

Obrazloženje:

Posljednje izmjene ovoga zakona koje je usvojila Skupština Kantona Sarajevo u pogledu zabrane kretanja električnih romobila trotoarima, te njihovo kažnjavanje u praksi, izazvalo je dosta problema u praksi, iz razloga nepostojanja alternativnih načina kretanja, kao i ugrožavanja sigurnost korisnika električnih romobila koji se kreću po saobraćajnicama. S druge strane, potpuno je jasno i da nepostojanje pravila i normi (npr. maksimalna dozvoljena brzina kretanja) korištenja električnih romobila i njihovo neadekvatno kretanje po trotoarima kontinuirano ugrožava sigurnost pješaka.

Iz ranijih razgovora sa predstavnicima ministarstva saobraćaja rečeno je da brojne norme nije moguće implementirati zbog činjenice da je to prethodno potrebno uraditi kroz izmjenu Zakona o osnovama sigurnosti saobraćaja na putevima u Bosni i Hercegovini, kako bi se takve odredbe mogle implementirati u kantonalni propis.

U prilogu dostavljam inicijativu za izmjene predmetnog zakona i očekujem odgovor da li se neka od predloženih odredbi može odmah implementirati bez izmjene državnog propisa, a one za koje to nije moguće bit će dostavljene u vidu inicijative prema ministarstvu komunikacije i prometa BiH.

Ukoliko ministarstvo ima kvalitetnijih prijedloga za unaprijeđenje predmetnog zakona s obzirom na već postojeću komunikaciju sa nadležnim ministarstvom na nivou Bosne i Hercegovine, takvi prijedlozi su itekako dobrodošli.

S poštovanjem,

Vibor Handžić

Prilog – Prijedlog izmjena i dopuna Zakona o uređenju saobraćaja na području Kantona Sarajevo

Član 1.

U članu 39. Zakona o uređenju saobraćaja na području Kantona Sarajevo (“Službene novine Kantona Sarajevo, br: 30/17, 46/17 i 1/22”) stavovi (2), (3) i (4) mijenjaju se i glase:

“(2) Biciklističkim stazama i biciklističkim trakama dozvoljeno je kretanje bicikala, električnih romobila, mopeda i električnih balansirajućih prijevoznih sredstava.

(3) Ako ne postoji posebno izgrađena biciklistička staza, kretanje biciklista, vozača električnih romobila, mopeda i električnih balansirajućih prijevoznih sredstava bit će omogućeno po postojećim pješačkim stazama brzinom do maksimalno 10 km/h, vodeći računa o ostalim učesnicima u prometu.

(4) Ukoliko bicikl, električni romobil, moped i električna balansirajuća prijevozna sredstva nije moguće voziti po biciklističkoj ili pješačkoj stazi, tada se za vožnju mora koristiti kolovoz u širini od najviše jednog metra od desne ivice kolovoza.”

Član 2.

U Zakonu o uređenju saobraćaja na području Kantona Sarajevo (“Službene novine Kantona Sarajevo, br: 30/17, 46/17 i 1/22”) član 39. stav (6) nakon riječi “bicikl” dodaje se zarez, a zatim i riječi “električni romobil”.

Član 3.

U Zakonu o uređenju saobraćaja na području Kantona Sarajevo (“Službene novine Kantona Sarajevo, br: 30/17, 46/17 i 1/22”) dodaje se novi član 68a. (Saobraćaj električnih romobila) koji glasi:

(1) Električni romobil je vozilo čija najveća trajna nominalna snaga nije veća od 0,5 kW i maksimalne brzine kretanja do 25 km/h.

(2) Osobama starijim od 16 godina dozvoljeno je upravljati električnim romobilom.

(3) Vozač električnog romobila mlađi od 18 godina u toku vožnje mora na glavi nositi zakopčanu zaštitnu kacigu.

(4) Osobama koje se bave prodajom i iznajmljivanjem električnih romobila dozvoljena je prodaja ili iznajmljivanje osobama koje imaju najmanje 16 godina.

(5) Električnim romobilom može upravljati samo jedna osoba.

(6) Električnim romobilom nije dozvoljeno prevoziti veće stvari i predmete.

Član 4.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".